



## Tusagassiorfinnut nalunaarut Pressemeddelelse

### Meeqqanut inuusuttunullu aanngajaarniutinin ajornartorsiutilinnut pilersaarut

Naalakkersuisut meeqqanut inuusuttunullu aanngajaarniutinin aningaasanoortarnermillu ajornartorsiutilinnut neqeroorutinin pilersaarut maanna akueraat. Naalakkersuisoq Martha Abelsen oqarneratut: *"Meeqqanut inuusuttunullu aanngajaarniutinin ajornartorsiuteqartunut neqerooruteqarnissatsinnut amigaaateqarnikooqaagut. Atuutilernissaa qanimut malinnaavigissavara"*.

Pilersaarut ukiuni tullerni pingasuni ataavartumik kommunini ataasiakkaani atuleriartuaassaaq. Ilisimaneqartutuut pitsaaliuinermi suliniutaareersunit, soorlu Kammagiitta (qinngasaarisarnermik pinaveersaartitsineq) aamma ThinkInuk (meeqqat tatitussusaat siuarsarlugu) tunngaveqarpoq.

Inuusuttunut aanngajaarniutinin ajornartorsiuteqaleriartuaartunut immikkut ittumik najukkami, atuarfimmi aamma ilinniarfeqarfinni sammisaqarnissaat neqerooruteqarnissaallu pilersaarutigineqarpoq, taakku ilutigalugit Qaqortumi, Nuummi, Sisimiuni, Aasianni aamma Ilulissani Allorfeqarfinni katsorsaaneq ingerlanneqartassalluni.

Taakku saniatigut angajoqqaat aanngajaarniutinin ajornartorsiuteqartunik meerallit aamma meeqqanut angerlarsimaffimmi aanngajaarniutimik ajornartorsiuteqarfimmi peroriartorsimasunut neqerooruteqalissaaq.

Martha Abelsen nangippoq: *"Nuannaarutigaaara pilersaarut ersarilluinarmat aamma atuutilersitsiniarneq meeqqanut inuusuttunullu neqeroorut Allorfimmi neqeroorutaareersut ataatsimuulersinneratigut pisariillisinneqarmat taamaasilluni ilaqutariinnut sullissiviit aamma kommunini suliniutinut suleqatigiissinnaanermut periarfissaqalerluni. Tamatta neqeroorutinut nutaanut tunngatillugu pilluarta"*.

Paasisaqarnerujumallutit attavigiuk naalakkersuisoqarfimmi pisortaq Tine Pars oqarasuaatikkut.: +299 55 75 57 imaluunniit e-mailikkut: [tine@nanoq.gl](mailto:tine@nanoq.gl)

11-07-2019  
Sags nr. 2019 - 16311  
Akt nr. 11167928

Postboks 1001  
Tlf: 34 68 00  
Fax (+299) 32 45 47  
E-mail: [paarisa@nanoq.gl](mailto:paarisa@nanoq.gl)  
[www.nanoq.gl](http://www.nanoq.gl)